



SVJETLOST ZNANJA

BROJ 1.

***JANUAR 2016. GODINE
GORAŽDE***

PRIPREMA: UMMU HARUN J.

Selam alejkum!

Dobrodošli!

Skup tekstova iz različitih oblasti.

Sakupljeno znanje islamskih učenjaka.

Ne kopiramo druge web sajtove/portale/stranice

i znanje isključivo uzimamo samo iz pouzdanih knjiga.

ISLAMSKA DIGITALNA KNJIGA SVJETLOST ZNANJA

Ummu Harun J.

Januar , 2016 , Goražde

Izdavač online digitalne vezije: Svjetlost znanja

<http://svjetlostznanja.wordpress.com>

KONTAKT:

svjetlostznanja@gmail.com

Vaš

Svjetlost znanja

UMMU HARUN J.

SADRŽAJ:

- PREDGOVOR.....10
- UMMU HARUN J.....12

- PUŠTANJE BRADE I POTKRASIVANJE BRKOVA – ZA MUŠKARCE



Podkrasujte brkove a brade puštajte.....13

- REZANJE NOKTIJU



Neke muslimanke zapuštaju noke, ne razmišljajući kakve sve štete u tome leže i koliko to odskače od islamskog bontona.....14

- RAZLIKE IZMEĐU SUNNIJA I ŠI'IIJA



Kod Ši'ija (Ši'ita): Oni vjeruju u Allaha dž.š. i da je On jedan, ali oni to svoje ubjeđenje miješaju sa pojedinim stvarima koje su širk. Oni prizivaju Allahova stvorenja i upućuju dove ljudima mimo Njega i govore: "O Alija, o Husejne, o Zejneb" isl15

- KOMUNIZAM I ZAKON ZABRANE NOŠENJA ZARA I FEREDŽE



Kaznit će se do tri mjeseca lišenja slobode ili novčanom kaznom do 20000 dinara: a) ko nosi zar ili feredžu, odnosno pokriva lice, b) ko od svojih ukućana zahtijeva da nosi zar ili feredžu, odnosno pokriva lice;.....22

- **TRAŽENJE OPROSTA (ISTIGFAR) I POKAJANJE (TEWBA)**




Tako mi Allaha, svakog dana molim Allaha za oprost i pokajem se više od sedamdest puta!.....24

- **ZABRANJENO JE ŽENAMA DA BRIJU GLAVU**



Allahov Poslanik a.s je zabranio ženama da briju glavu.....25

- **BLUD (ZINA, PROSTITUCIJA)**



*i koji ne bludniče; a ko to radi, iskusit će kaznu.”
(El - Furkan, 68).....26*

- **LIJEČENJU HIDŽAMOM (PUŠTANJE KRVI)**



Najbolje čime se liječiti je hidžama.....31

- **NAKLANJAVANJE PROŠLIH (PROPUŠTENIH) NAMAZA**



Ko prespava namaz ili ga zaboravi, otkup za njega je da ga klanja kada ga se sjeti. Nema drugog otkupa za namaz.....32

- **NAJBOLJI SAFF U NAMAZU ZA MUŠKARCE JE PRVI A ZA ŽENE ZADNJI**



Najbolji saff za muškarce je prvi, a najgori zadnji, a najbolji saff za žene je zadnji a najgori prvi.....34

• **PROPISANO NAM JE JE PETESET NAMAZA PA
SMANJENO NA PET**



Propisao je Allah, dž.š, mom umetu pedeset namaza.....36

• **DEDŽAL ĆE UČI U SVAKI GRAD IZUZEV MEKKE I
MEDINE**



Dedžal će ući u svaki grad izuzev Meke i Medine.....38

• **PONAVLJANJE USVOJENOG ZNANJA KOD PRVIH
GENERACIJA**



Prenosi Ibnul-Dževzi da je jedan fakih (šerijatski pravnik) ponavljao ders puno puta, pa mu starica koja je živjela kod njega reče: "Vallahi, i ja sam ga zapamtila." On joj reče: "Ponovi ga", te ga ona ponovi. Poslije nekoliko dana reče joj: "O starice, ponovi ders", a ona reče: "Ne sjećam se." Tada on reče: "Ja ga ponavljam da mi se ne bi desilo isto što i tebi." (El-Hassu ala hifzil-ilm, 44.....39

• **SLAVLJENJE ROĐENDANA**




Prve, odabrane generacije nisu slavile rođendan.....41

• **NAMAZ ŽENE U DŽAMIJI**



Ne zabranjujte ženama odlazak u džamije.....42

• **IZMEĐU ATEIZMA I ISTINE**



Osoba sa čijom pričom ću početi ovu rubriku, sa pseudonimom Ummu Kulsum, živela je u Beogradu jedan period svog života44

• **POSTOJE LI DŽINNI NEVJERNICI I DŽINNI VJERNICI I KO SU ONI**



Postoje li džinni nevjernici i džinni vjernici, i ko su oni?.....48

• **KO IZUČAVANA NAUKU A NE TRAŽI ALLAHOVO ZADOVOLJSTVO (RADI DUNJALUKA) NEĆE OSJETITI MIRIS DŽENNETA**



Ko izučava nauku kojom se traži zadovoljstvo Uzvišenog Allaha samo da bi njome dobio ovosvjetska dobra, neće osjetiti ni miris Dženneta.....49

• **SPAVANJE DIJETETA IZMEĐU OCA I MAJKE**




Nije mi poznat dokaz koji zabranjuje da dojenče ili malo dijete, koje ne razaznaje, spava kod ili između svojih roditelja.....51

• **KAKO TREBA IZGLEDATI BEBINO PRVO KUPANJE?**



Bebe u većini slučajeva vole kupanje. Na vodu su još navikli u maternici.....52

• **CITAT: PRVOG PRESJEDNIKA BiH**



Narod, kao i pojedinac, koji je prihvatio Islam.....54

• **KAKO SE ODNOSITI PREMA LJUDIMA KOJI PSUJU SVEVIŠEG ALLAHA**



Kako se odnositi prema ljudima koji psuju Svevišnjeg Allaha?.....55

• **ISKRENOST – DUŠA IBADETA**



Koliko je velikih djela propalo zbog neiskrenosti njihovih počinitelja.....57

• **ČOVJEK KOJI OSTAVI IZA SEBE TRAJNO ZNANJE IMA KORISTI I NAKON SMRTI**



Kada čovjek umre njegova djelatnost se prekida, osim u tri slučaja.....58

• **LITERATURA.....59**

PREDGOVOR ¹

U IME ALLAHA, MILOSTIVOG, SAMILOSNOG!

Zahvala pripada Uzvišenom Allahu i selam – mir na Allahovog Poslanika sallallahu alejhi ve selleme. Svjedočim da nema drugog boga osim Allaha i svjedočim da je Muhammed Allahov rob i Poslanik.

**Čitaj, u ime Gospodara tvoga, koji stvara,
stvara čovjeka od ugruška!**

**Čitaj, plemenit je Gospodar tvoj,
koji poučava peru,**

koji čovjeka poučava onome što ne zna.

(Al-'Alaq – Ugrušak, 1 – 5 ajeti) Prijevod značenja Kur'ana ²

Molim Uzvišenog Allah da mi olakša pisanje ove digitalne knjige uz iskrenu dovu da mi bude korisno na ovom svijetu kao i na budućem. Čovjek koji ostavi iza sebe trajno znanje (napiše knjigu) ima koristi i nakon smrti.

Prenosi se da je Allahov Poslanik s.a.v.s rekao: **Kada čovjek umre njegova djelatnost se prekida, osim u tri slučaja:**

**(ako je ostavio) trajnu sadaku,
ili nauku (znanje – izum) koja je od koristi ili,
dobro dijete, koje za njega dovu čini.**

(Muslim) ³

Ova knjiga obrađuje lahke i praktične teme, znanje koje treba da poznaje svaki praktični musliman – vjernik. Ova knjiga se sastoji iz dijelova svezaka bilješki i svaki dio sadrži po šesdeset (60) stranica radi lakšeg pisanja i čitanja. Ova knjiga je obogaćena slikama – fotografijama i nešto slično časopisu – magazinu.

Ovo djelo je rad učenika koji uči dok ne postane učen. Molim Uzvišenog Allaha da mi podari istinsku učenost. Amin.

A zatim, moram da naglasim da je ispred mene odgovoran zadatak čim sam se odlučila da istražujem nauku. Sticanjem nauke i pisanje je jako odgovoran zadatak. To je put na kojem treba dosta vremena, truda, ulaganja, strpljenja, odricanja isl. Kvalitetno djelo se ne može napisati za jedan čas, još ako želimo da generacije koje dolaze iza nas imaju koristi. Kao što se vidi iz navednog ovo djelo treba da bude opširno i obimno. Znanje je preuzeto iz knjiga islamskih učenjaka. Za svaki

¹ Predgovor – Ummu Harun J.

² Prijevod značenja Kur'ana, Preveo Besim Korkut

Napomena: Navodi se još ajeta u tekstu Predgovora i isti je izvor.

³ Broj hadisa u Rijadu-s-salihin 1383.

Izbor hadisa iz djela Rijadu-s-salihin, Jahja ibn Šeref en Nevevi

Godina izdavanja: 2001-1422 h.g, Sarajevo

Izdavač: Visoki saudijski komitet za pomoć BiH i kulturni centar „Kralj Fahd“ u Sarajevu

rukopis, tekst, članak, navodim ime i prezime autora, naziv knjige, godina izdavanja knjige i izdavača. Ovo jasno govori da ja nisam autor – vlasnik ovih tekstova – članaka već sam samo “sakupljač znanja” islamskih učenjaka.

Također, da naglasim teme nisu razvrstane već su poredane na način kako su se izučavale, možda djeluje malo neuredno i neorganizovano ali ovako je preneseno kako je sakupljeno. Nadam se, da iskreni čitaoci i tragaoci znanja neće imati problema da nađu od znanja šta ih zanima. Također, da naglasim da mi nije cilj gomilanje tekstova već mi je cilj da slijedim naučeno.

Ovim putem ne pozivam u krajnost niti ekstremizam niti terorizam. Ne pozivam, također, ni moderan islam. Nije sve haram (zabranjeno) niti je sve halal (dozvoljeno) jer “Islam je put sredine.” i jasan je halal i haram. Pozivam se na Allahovu knjigu Kur'an i Sunnet Allahovog Poslanika Muhammeda sallallahu alejhi ve selleme:

Reci: "Pokoravajte se Allahu i Poslaniku!" A ako oni glave okrenu - pa Allah, zaista, ne voli nevjernike.

(3.Ali Imran – Imranova Porodica, 32 ajet) Prijevod značenja Kur'ana
Znanje bez praktičnog djela je mrtvo a postaje živo praktikovanjem, stoga sve navedeno što pišem u ovoj knjizi nastojim iskreno u ime Allaha da praktikujem tj. Živim i provodim u djelo.

Budimo u praktičnom životu Muslimani!

Da bi se situacija u društvu promjenila sve kreće od nas pojedinaca , zato počnimo se prvi mijenjati ne čekajući druge da prvi počnu.
Budimo prvi!

... Allah neće izmijeniti jedan narod dok on sam sebe ne izmijeni....

(13.Ar - Ra'd - Grom, 11 ajet) Prijevod značenja Kur'ana

Ovo skromno djelo ostavljam i poklanjam svojoj djeci, unucima i budućim generacijama, iskrenim sakupljačima znanja i tragaocima za istinom.

Molim Uzvišenog Allaha da popravi stanje muslimana i da budemo bolji vjernici. Amin.

**Urednik
Svjetlost znanja:**

Ummu Harun J.
Novembar 2015. godine
Goražde, Bosna i Hercegovina

UMMU HARUN J.

Ummu Harun J. nadimak, pseudomin što znači MAJKA HARUNOVA. zaključila sam da nije greška da koristim nadimak koji se odnosi na mene jer je Allahov Poslanik s.a.v.s imao nadimak Ebu Kasim tj. Otac Kasimov. S obzirom da imam sina Haruna a ja sam njegova majka onda je prikladan nadimak i nije lažan. Harun je muško ime arapskog porijekla. Značenje imena je: planina, snaga, uzvišen. Ovako značenje sam pronašla u knjizi imena. Ime Harun se spominje nekoliko puta u Kur'anu i bio je brat od Musa a.s J. je skraćena za prezime.

PUŠTANJE BRADE I POTKRASIVANJE BRKOVA – ZA MUŠKARCE

Izvor:

Preuzeto iz knjige: Izbor hadisa iz djela Rijadu-s-salihin

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

Izdavač: Visoki saudijski komitet za pomoć BiH i kulturni centar „Kralj Fahd“ u Sarajevu



Draga braćo, ukrasite svoje lice bradom.

Ibn Umer r.a prenosi od Vjerovjesnika s.a.v.s da je rekao: **Podkrasujte brkove a brade puštajte.**

(Muttefekun alejhi) tj.(Buhari i Muslim)

Broj hadisa u Rijadu-s-salihinu 1205.

REZANJE NOKTIJU

Izvor:

Preuzeto iz knjige: Odijevanje muslimanki , moda za sva vremena

Pisac: hfz. mr. Senaid Zajmović

Godina izdavanja: 2007-1428 h.g Visoko

Izdavač: Senaid Zajmović



Dugi nokti i rezanje noktiju

Žena treba nastojati sačuvati prirodna obilježja (svojstva) i redovno rezati nokte. Rezanje noktiju je sunnet. Smatra se čistoćom i ukrasom. Držanje dugih noktiju protivi se prirodi ove vjere, smatra se oponašanjem zvjeri i uzrok je nakupljanja nečistoće i nedospjevanje vode ispod njih. Dugi nokti su idealno mjesto za razvoj brojnih bakterija.

Neke muslimanke zapuštaju noke, ne razmišljajući kakve sve štete u tome leže i koliko to odskače od islamskog bontona. Lijepo bi bilo da odrezani nokti zakopaju jer se ta praksa prenosi od nekih ashaba Allahovog Poslanika sallallahu alejhi ve sellem. Neće biti griješan ko to ne uradi.

RAZLIKE IZMEĐU SUNNIJA I ŠI'IA

Izvor:

Preuzeto iz knjige: Osnove učenja Šija imamija isna'ašerija

Pisac: Es-Sejjid Muhibbuddin El – Hatab

Godina izdavanja: -

Izdavač: -



Omot knjige – samo što je original u boji

Razlika između sunnija i ši'ija - Kur'an Časni

Kod Sunnija: Svi pripadnici Ehli Suneta su saglasni da je Kur'an vjerodostojno prenešen i da je sačuvan od bilo kakvog dodavanja ili oduzimanja i da se on razumijeva na osnovu gramatičkih pravila arapskog jezika. Oni vjeruju u svaki njegov harf i vjeruju da je on Allahov dž.š. govor koji nije nastao i koji nije stvoren i da neistina nikako do njega ne može doprijeti. I on - Kur'an je prvi izvor čitavog akideta muslimana i načina njihovog ponašanja.

Kod Ši'ija (Ši'ita): Pojedini od njih sumnjaju u njegovu vjerodostojnost a ako se određeni kur'anski ajet sukobljava sa bilo čime od njihovog ubijedenja oni ga na čudan način tumače kako bi ga

uskладili sa svojim uvjerenjima. Zbog toga su nazvani ``Mute`evvile``, i veoma mnogo vole da spominju razlike koje su se pojavile prilikom sabiranja i zapisivanje kur`ana, i ističu izreke svojih imama koje se nalaze u njihovim izvorima na koje se oni oslanjaju.

Razlika između sunnija i š`ija – Hadis

Kod Sunnija: Hadis je kod sunija drugi izvor Islama i tumač Kur`ana, po njima nije dozvoljeno raditi suprotno ni jednom hadisu koji se vjerodostojno prenosi od Poslanika s.a.v.s. Po pitanju ocjene vjerodostojnosti hadisa koriste se poznata pravila koja su odredili islamski alimi, najveći stručnjaci u nauci poznatoj pod imenom ``Mustalehul hadis``. Na osnovu tih pravila se proučava lanac prenosioca bez ikakve razlike između muškarca i žene, jedini kriterij je svjedočanstvo pravednih ljudi (po islamskim kriterijama) o njihovoj iskrenosti. Za svakog raviju (prenosioca) se zna kada je živio, broj vjerodostojnih hadisa koje je on prenio i broj hadisa koje prenosi a koji nisu zadovoljili ustanovljene kriterije. Sve se to sakupilo kao rezultat najvećeg naučnog truda u historiji uopće. Hadis se ne prihvata od onog koji nije iskren ili od nepoznatog prenosioca, jer je to velika obaveza i emanet koji su iznad svih tih relacija nacionalne i mezhepske pripadnosti.

Kod Š`ija (Š`ita): Oni priznaju samo hadise koji se pripisuju porodici Poslanika s.a.v.s i poneke hadise pojedinaca od ashaba koji su bili sa Alijunu r.a stranu u njegovim političkim sukobima, a sve što je mimo toga odbacuju. Oni, uopće ne pridaju važnost vjerodostojnosti seneda (lanca prenosioca) , niti u tome koriste naučne metode. Oni veoma često kažu, na primjer: Prenosi se od Muhammeda bin Isma`ila koji prenosi o nekih naših ashaba koji, opet, prenose od jednog čovjeka da je rekao...` Njihove knjige su prepune desetina hiljada hadisa čiju vjerodostojnost je nemoguće utvrditi. A oni su na njima sagradili svoju vjeru. Na taj način su oni zaniijekali više od tri četvrtine hadisa Poslanika s.a.v.s i ovo je jedna od najvažnijih tačaka razlaza između njih i ostalih muslimana.

Razlika između sunnija i š`ija - Ashabi

Kod Sunnija: Sunnije cijene i poštuju sve ashabe i prilikom spomena bilo kojeg od njih kažu: "Radijallahu 'anhu" (Allah bio zadovoljan s njim) . A nesuglasice koje se među njima desile shvataju kao njihov lični idžtihad koji su uradili sa najboljom namjerom i to je stvar prošlosti. Nama nije dozvoljeno da na osnovu njih gradimo mržnju koja će se protezati na buduće generacije. Naprotiv, o njima je Allah dž.š. kazao bolje nego o bilo kakvoj drugoj skupini ljudi i na više mjesta u Kur'anu ih pohvalio. Neke od njih je pojedinačno odbranio od optužbi koje su im bile pripisivane, te poslije svega toga nikome nije dozvoljeno da ih za bilo što optužuje niti u tome ima bilo kakve koristi.

Kod Š`ija (Š`ita): Oni smatraju da su se ashabi odmetnuli i postali nevjerici nakon smrti Poslanika s.a.v.s. izuzev manjine njih čiji broj ne

prelazi broj prstiju na rukama. Oni Aliji r.a. pripisuju posebno mjesto. Jedni smatraju da je Poslanik s.a.v.s. još za svoga života oporučio da ga on naslijedi nakon njegove smrti, drugi ga smatraju poslanikom, a treći bogom. I na muslimane gledaju shodno njihovom odnosu prema Aliji r.a. Pa onaj ko je izabran za halifu prije njega je zalim ili kafir, a onaj ko se nije složio sa njime u njegovim stavovima je zalim ili kafir ili fasik. Isti je slučaj sa onima koji se nisu složili sa njegovim potomcima. Zbog toga su stvorili veliku prepreku neprijateljstva i potvore u historiji Islama i ši' izam postaje idejnim pravcem koji gaji ove štetne tendencije kroz generacije i generacije.

Razlika između sunnija i ši'ija - Tawhid - (vjerovanje u Allahovu jednoću)

Kod Sunnija: Vjeruju da je Allah jedan i svemoguć, da mu niko nije ravan niti sličan niti postoji posrednik između Njega i Njegovih robova. Vjeruju u sva ajeta koja govore o Njegovim svojstvima bez ikakvog iskrivljivanja njihovih značenja ili negiranja bilo šta od njih, ili poređenja sa ljudskim osobinama (*"Njemu ništa nije slično"*). Da je On poslao poslanike koje je zadužio da dostave Njegovu objavu, što su oni učinili bez tajenja bilo čega od nje. Vjeruju da samo Allah dž.š. zna gajb nevidljivo. Da je zauzimanje kod Njega uslovljeno (*"Ko se može pred Njim zauzimati za nekoga bez dopuštenja Njegova"*) i da se dova, zavjet, klanje žrtve, i molba ne upućuje nikom drugom sem Njemu dž.š. I da bilo šta od toga nije dozvoljeno uputiti bilo kome drugom. Da samo On posjeduje dobro i zlo i da niko pored Njega ništa ne posjeduje i ne može uraditi, bio on živ ili mrtav i da su svim stvorenjima potrebne Njegove blagodati i milosti. Spoznaja Allaha dž.š. je, kod njih obaveza šerijatom pomoću Allahovih dž.š. znakova i znamenja prije razuma koji individualnim putem može da i ne stigne do istine i upute. A nakon toga čovjek razmišlja svojim razumom kako bi bio sigurniji i postojaniji u svojoj vjeri.

Kod Ši'ija (Ši'ita): Oni vjeruju u Allaha dž.š. i da je On jedan, ali oni to svoje ubjeđenje miješaju sa pojedinim stvarima koje su širk. Oni prizivaju Allahova stvorenja i upućuju dove ljudima mimo Njega i govore: "O Alija, o Husejne, o Zejneb" isl. Daju zavjet i kolju kurbane u ime drugih mimo Allaha. Traže od umrlih da im ispune njihove želje i oni imaju dosta dova i kasida koje to potvrđuju. Oni sve to smatraju ibadetom i vjeruju da su njihovi imami nepogrešivi, da oni znaju gajb i da oni imaju utjecaja na kretanja u svemiru. Ši'iti su inovirali tesavuf kako bi ova iskrivljena shvatanja zasadili i među sljedbenike sunizma. Oni tvrde da evlije, kutbovi - autoritativne ličnosti i ehli bejt imaju posebnu moć. Oni su svojim sljedbenicima potvrdili postojanje staleža u vjeri i da se ta odlika prenosi na njihovu djecu nasljedstvom. Sve to nema nikakve osnove u vjeri. Spoznaja Allaha dž.š. je po njima razumska obaveza a ne šerijatska i ono što je došlo u Kur'anu je samo potvrda zaključka razuma, i ništa novo razumu nepoznato.

Razlika između sunnija i ši'ija - Ru'jetullah - viđenje Allaha dž.š.

Kod Sunnija: Viđenje Allaha dž.š. je moguće samo na Ahiretu, jer Allah dž.š. kaže: *"Tog dana će neka lica blistava biti, u Gospodara svoga će gledati."* (El-Kijame, 22.)

Kod Ši'ija (Ši'ita): Nije moguće vidjeti Allaha dž.š. ni na ovom ni na budućem svijetu.

Razlika između sunnija i ši'ija – Gajb

Kod Sunnija: Jedino Uzvišeni Allah zna gajb - nevidljivo, a nekim od poslanika je otkrio ponešto od gajba, kao što je to učinio sa Muhammedom s.a.v.s iz posebnih razloga za to. Veli Uzvišeni: *"Drugi znaju samo onoliko koliko On želi"* (El Bakara ,255).

Kod Ši'ija (Ši'ita): Oni tvrde da gajb mogu znati samo njihovi imami i kažu da poslanik ne može i nema pravo obavijestiti o bilo čemu od gajba. Zbog toga neki od njih pripisuju božanstvo njihovim imamima.

Razlika između sunnija i ši'ija - Porodica Poslanika s.a.v.s. - (Ali Resul)

Kod Sunnija: U Ali Resul po većini islamske uleme spadaju svi njegovi sljedbenici koji ga dosljedno slijede u vjeri Islamu. Neki smatraju da su to muttekije - bogobojažni od njegovog Ummeta, a drugi opet smatraju da su oni njegova rodbina vjernici iz potomstva Beni Hašim i Beni 'Abdul Muttalib.

Kod Ši'ija (Ši'ita): Po njima se u porodicu Poslanika s.a.v.s. ubraja samo njegov zet Alija r.a. i samo pojedini njegovi potomci i njihova djeca i unuci poslije njih.

Razlika između sunnija i ši'ija - Šerijat i Hakikat

Kod Sunnija: Sunnije smatraju da je šerijat: ujedno i hakikat, i da Poslanik s.a.v.s. nije ništa sakrio od svog ummeta. Da nije ostavio ništa od dobra, a da nas na njega nije uputio, niti bilo šta od zla, a da nas na njega nije upozorio. A Allah dž.š. kaže: *"Danas sam vam upotpunio vašu vjeru"* (Al Maide, 3), a znamo da su izvori vjere Kur'an i Sunnet, te oni nisu u potrebi ni za kakvom dopunom. Način rada, ibadeta i komuniciranja sa Allahom dž.š. je potpuno jasan i nije potrebno nikakvo posredništvo. A jedino Allah dž.š. zna pravu istinu (hakikat) o robovima (stanje njihova srca) i niko od njih to nije u stanju saznati. Od svakog čovjeka se prima i odbija tj. prihvata i odbija mišljenje, osim Poslanika s.a.v.s. koji je sačuvan od grijeha i jedino smo od njega dužni prihvatiti sve što kaže u stvarima vjere.

Kod Ši'ija (Ši'ita): Oni smatraju da Šerijat predstavlja propise sa kojima je došao Poslanik s.a.v.s. i da se oni odnose samo na običan narod i neuke ljude. A hakikat ili posebno znanje o Allahu dž.š. ne poznaje niko osim imama Ehli bejta (jedan dio porodice Poslanika

s.a.v.s.) i oni znanje o hakikatu zadobijaju nasljedno, sa generacije na generaciju, i ono ostaje tajnom kod njih. Oni vjeruju da su njihovi imami nepogrešivi i da sve što čine ili kažu predstavlja zakon- šerijat, da je sve što oni čine dozvoljeno i da se veza sa Allahom ne može uspostaviti izuzev preko posrednika (preko njihovih imama). Stoga oni olahko svoje imame nazivaju titulama u kojima je primjetno pretjerivanje, kao što je poznato da kažu: Velijjullah (Allahov miljenik), Babullah (Allahova vrata), El-Ma'sum (Nepogrešivi), Hudždžetullah (Allahov dokaz) i sl.

Razlika između sunnija i ši'ija - Fikh

Kod Sunnija: Sunnije se precizno pridržavaju propisa Kur'ana. Te propise pojašnjavaju riječi i djela Poslanika s.a.v.s. koja se jednim imenom nazivaju Sunnet, zatim riječi ashaba i tabi'ina koje se uzimaju mjerodavne zato što su oni vremenski najbliži Poslaniku s.a.v.s. i što su bili najdosljedniji i najustrajniji u podnošenju svih iskušenja zajedno s njim. Niko nema pravo da bilo što uvodi u ovu vjeru nakon što ju je Uzvišeni Allah upotpunio. A po pitanju detaljnijeg razumjevanja, rješenja novonastalih problema i vaganja većeg interesa, konsultuje se pouzdana muslimanska ulema i njihovo mišljenje se prihvata samo ako je u granicama Kur'ana i Sunneta.

Kod Ši'ija (Ši'ita): Oni se oslanjaju na svoje posebne izvore koje pripisuju svojim imamima (koje su poimenice i pojedinačno odredili i imenovali) i u kojima su na poseban način protumačili pojedina Kur'anska ajeta i svjesno napisali ono, čime su uradili suprotno većini islamskog ummeta. Oni smatraju da njihovi nepogriješivi imami mudžtehidu imaju pravo na uvođenje novih propisa, kao što su to uradili sa sljedećim stvarima:

- a) Ezan i njegov tekst, vrijeme i način obavljanja namaza.
- b) Vrijeme posta i mršenja.
- c) Hadžski obredi i način posjete Medini.
- d) Pojedini propisi vezani za zekat način njegove raspodjele i utroška.
- e) Nasljedno pravo.

Oni uvijek nastoje da rade suprotno Ehli Sunnetu i da povećavaju polje i oblike različitosti sa njima.

Razlika između sunnija i ši'ija - El-Vela'

Kod Sunnija: El-Vela' je potpuna pokornost i Ehli sunnet smatra da se vela u tom smislu može dati samo Allahovom Poslaniku s.a.v.s. jer Allah dž.š. kaže: *"Ko se pokori Resulu pokorio se je i Alahu."* (EnNisa, 80) A što se tiče ostalih ljudi njima se može biti pokoran samo u skladu sa šerijatskim pravilom: *"Nema pokorosti stvorenju u nepokornosti Stvoritelju."* (Hadis)

Kod Ši'ija (Ši'ita): Oni El-Vela' smatraju temeljem imana-vjerovanja i pod njim misle na vjerovanje u dvanaest njihovih imama između kojih je dvanaesti nestao u jednoj pećini u Iraku gdje ga čekaju da se pojavi. Po njihovom ubjeđenju onaj koji nije dao svoj vela' Ali bejtu za njega

se ne može kazati da je vjernik, i za njime se ne klanja namaz, niti mu se može dati zekat, nego mu se može dati samo od obična (neobavezna) sadaka kao i svakom drugom kafiru.

Razlika između sunnija i ši'ija – Et-Tekije

Kod Sunnija: Tekije je da čovjek kaže suprotno onome što misli da bi se sačuvao zla. Kod Sunnija muslimanu nije dozvoljeno da vara druge muslimane svojim riječima ili svojom vještinom, jer je Poslanik s.a.v.s. rekao: "Ko nas vara nije od nas". Tekije nije dozvoljena osim prema nevjernicima, neprijateljima vjere, i samo za vrijeme rata, jer rat je varka. Musliman je dužan da bude iskren i hrabar u istini i da se ne pretvara niti laže ili vara. Dužan je da savjetuje i upućuje na dobro i da odvraća od zla.

Kod Ši'ija (Ši'ita): Oni, iako ih je više sekti, tekije smatraju farzom bez kojeg njihov mezheb ne bi mogao postojati. Oni svoje sljedbenike podučavaju tekiji tajno i javno i po njoj postupaju, naročito ako se nađu u teškim uslovima. Prenaglašena i otvoreno hvale one koje smatraju nevjericima i koje po njihovom vjerovanju treba pobiti i uništiti. A nevjerikom smatraju svakog onoga ko nije sljedbenik njihovog mezheba tj. ši'izma. Kod njih "Cilj opravdava sredstvo" i oni dozvoljavaju svaku vrstu laži, obmane i varke .⁴

Razlika između sunnija i ši'ija - Imamet i upravljanje državom

Kod Sunnija: Državom upravlja halifa kojeg biraju muslimani. Uslov za halifu je da dotična osoba bude sposobna i podobna za takvu obavezu. Dakle, da bude razuman, sposoban, učen, poznat po lijepom ponašanju i poštenju i da je dostojan da se prihvati takve odgovorosti. Njega biraju odgovorni među muslimanima i oni ga smjenjuju ukoliko ne bude pravedno postupao, ili ukoliko izađe iz okvira Kur'ana i Sunneta. Njemu su se dužni pokoravati svi muslimani. Vlast je kod muslimana obaveza i odgovornost, a ne počast i povlastica.

Kod Ši'ija (Ši'ita): Vlast je kod njih nasljedna stvar Alije r.a. i sinova Fatime r.a. iako se i oni sami razilaze po tom pitanju. Zbog ovog njihovog stava po pitanju vlasti oni nikada nisu bili odani vladaru iz spomenute loze. Pošto se njihova teorija nije ostvarila u praksi kroz historiju, kako su se oni nadali, oni su dodali još i vjerovanje u povratak, tj. da će se posljednji njihov imam, kog nazivaj u EI-Kaim, vratiti pred kraj ovog svijeta, kao jedan od predznaka Sudnjega dana,

⁴ (Oni prenose od svojih imama da su rekli: "Et-Tekije je moja vjera i vjera mojih otaca". "Ko nema tekije nema ni vjere". U knjizi pod naslovom "Islam je put ka sreći i miru" koja je jedna od njihovih priznatih knjiga, na strani 109. stoji: "Ako se punoljetan šerijatski obavezan čovjek nađe u situaciji da pretrpi štetu na sebi ili svom imetku, ili u javnom redu i miru, on je dužan da ostavi naređivanje dobra i odvracanje od zla. Ovaj propis je poseban za ši'ite i naziva se "Tekije". Iz navedenog se jasno vidi da ove riječi niječu obaveznost džihada i da su suprotne Allahovim dž.š. riječima.)

izaći iz poznate pećine i poklati sve njihove političke protivnike i ši'itima povratiti njihova izgubljena prava koja su im uzurpirale druge sekte kroz cijela stoljeća.

KOMUNIZAM I ZAKON O ZABRANI NOŠENJA ZARA I FERDŽE

Izvor:

Preuzeto iz knjige: Odijevanje muslimanki, moda za sva vremena

Pisac: Hfz. mr. Senaid Zajimović

Godina izdavanja: 2007 - 1428 h.g, Visoko

Izdavač: Senaid Zajimović

*U broju 33 Sarajevo, 29 septembra.1950 godine PREZIDIJUM
NARODNE SKUPŠTINE NR BIH Sekretar, Muhidin Begić,
s.r,predsjednik, Vlado Šegrt, s.r*



Zar i Feredža

Član 1.

Izražavajuće želje narodnih masa, radnih kolektiva i masovnih organizacija, a u cilju da se ukloni vjekovna oznaka potčinjenosti i zaostalosti žene muslimanke, da se olakša ženi muslimanki puno korištenje prava izvojevanih u Narodnoj - oslobodilačkoj borbi i socijalističkoj izgradnji zemlje i da joj se obezbjedi puna ravnopravnost i šire učešće u društvenom, kulturnom i privrednom životu zemlje, zabranjuje se nošenje zara i feredže i svako pokrivanje lica žene;

Član 2.

Zabranjuje se prisiljavanje ili nagovaranje žene da nosi zar i feredžu, odnosno pokriva lice, kao i svaka druga radnja usmjerena na podržavanje nošenja zara i feredže i pokrivanja lica žene;

Član 3.

Kaznit će se do tri mjeseca lišenja slobode ili novčanom kaznom do 20000 dinara: a) ko nosi zar ili feredžu, odnosno pokriva lice, b) ko od svojih ukućana zahtijeva da nosi zar ili feredžu, odnosno pokriva lice;

Član 4.

Kaznit će se lišenjem slobode sa prinudom radom do 2 godine ili novčanom kaznom do 50000 dinara: a) ko silom, prijetnjom, ucijenom ili drugim sličnim sredstvima nastoji da se nosi zar ili feredža odnosno pokriva lice žene, b) ko zloupotrebljavajući vjerska osjećanja, koristeći predrasude i zaostalost ili na bilo koji drugi način, vrši propagandu da se nosi zar i feredža, odnosno pokriva lice žene;

Član 5.

Administrativni - kazneni postupak za prekršaje iz člana 3 ovog zakona vodi u prvom stepenu izvršni odbor sreskog, gradskog (reonskog), narodnog odbora;

Član 6.

Za postupak po krivičnim djelima člana 4. ovog zakona nadležan je sreski sud;

Član 7.

Ovaj zakon stupa na snagu tridesetog dana nakon objavljivanja u "Službenom listu NR BiH"

U broju 33 Sarajevo, 29 septembra.1950 godine PREZIDIJUM
NARODNE SKUPŠTINE NR BIH Sekretar, Muhidin Begić,
s.r,predsjednik, Vlado Šegrt, s.r

TRAŽENJE OPROSTA (ČINJENJE ISTIGFARA) I POKAJANJE (TEWBA)

Izvor:

Preuzeto iz knjige: Izbor hadisa iz djela Rijadu-s-salihin

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

Izdavač: Visoki saudijski komitet za pomoć BiH i kulturni centar „Kralj Fahd“ u Sarajevu



Estagfirullah – Allahu oprosti

Ebu Hurejre r.a prenosi da je Allahov Poslanik a.s rekao: **Tako mi Allaha, svakog dana molim Allaha za oprost i pokajem se više od sedamdest puta!**

(Buhari)

Broj hadisa u Rijadu-s-salihinu 1870.

ZABRANJENO JE ŽENAMA DA BRIJU GLAVU

Izvor:

Preuzeto iz knjige: Izbor hadisa iz djela Rijadu-s-salihin

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

Izdavač: Visoki saudijski komitet za pomoć BiH i kulturni centar „Kralj Fahd“ u Sarajevu



Cameron Diaz – glumica na slici obrijane glave

Alija r.a prenosi: Allahov Poslanik a.s je **zabranio ženama da briju glavu.**

(Nesai, sahih)

Broj hadisa u Rijadu-s-salihinu 1641.

BLUD (ZINA, PROSTITUCIJA)

Izvor:

Preuzeto iz knjige: Spolne bolesti, blud
Pisac: Grupa autora, Muhammed Ali el – Barr (Spolne bolesti),
hfz.Ibrahim Trebinjac (Blud, zina, prostitucija)
Godina izdavanja: 2001 - 1422 h.g, Sarajevo
Izdavač: Visoki saudijski komitet za pomoć BiH i kulturni centar `Kralj
Fahd` u Sarajevu



Prijevod značenja Kur'ana od prof. Besim Korkut
(El – Isra 32.ajet)

Pojam

“Zina” kao šerijatsko - pravni izraz znači spolni odnos pravno odgovornog (odraslog, umno normalnog) muškarca sa istom takvom ženom na nezakonit način. Ovakav izraz poznat je u terminologiji našeg građanskog prava pod imenom blud (prostitucija), ali je ovaj potonji mnogo užeg značenja od izraza “zina”; nezakonit je seksualni odnos, makar se on dogodio samo jednom i iz bilo kakvih razloga i pobuda. Ovakav blud po islamu strogo je zabranjen i ubraja se u velike grijehе.

Dokazi zabrane

Zabrana bluda temelji se na Kur'anu i Hadisu. Kur'an govori o ovom poroku na nekoliko mjesta, a naročito upadaju u oči ovi ajeti:

- 1. “I nemoj se (ni) približavati zina’u, jer to je, zaista, više nego obično gnusno djelo, a njegov je put hrđav.” (El - Isra’, 32)**
- 2. “...i oni, koji se mimo Allaha drugom bogu ne klanjaju, i koji, one koje je Allah zabranio, ne ubijaju, osim kad pravda zahtijeva, i koji ne bludniče; a ko to radi, iskusit će kaznu.” (El - Furkan, 68)**

3. "... i koji stidna mjesta svoja čuvaju." (El - Mu'minun, 5), (El - Mearidž, 29)

Između hadisa koji govore o bludu treba istaknuti naročito sljedeće:

1. "Onaj koji čini blud, ne može biti pravi vjernik dok ga čini." Ovaj hadis prenijeli su Buharija, Muslim i drugi od Ebu - Hurejra.
2. Kad čovjek učini blud, iz njega iziđe iman, pa mu bude nad glavom kao hlad. Ako se potom pokaje i prođe se toga, iman mu se opet povraća.

Strogost zabrane, veličina grijeha i strahota posljedica bluda kratko su, ali vrlo jasno, istaknuti u svim gornjim citatima, a naročito u prvom ajetu. Svevišnji nam, kako se iz tog ajeta vidi, zabranjuje činiti čak i ono što bi nas moglo približiti bludu, odnosno što bi, makar posredno, moglo prouzrokovati da do toga dođe. U ovakvoj zabrani ogleda se mudrost i sveznanje milostivog Tvorca. On, pored ostalog, dobro poznaje i naše slabe strane; on dobro poznaje strast i njeno značenje u životu i radu svakog čovjeka. Seksualni nagon kod čovjeka jeste ono u čemu se on najviše približava životinji, od koje ga često ne dijeli ništa. Jer, pri nastupu toga nagona kod malo koga vlada razum i čovjek ne može, a da mu ne udovolji po bilo kojoj cijeni, mada će se tim ogriječiti ako mu udovoljava na nezakonit način, o Božije zakone. Seksualni nagon, kako je poznato, kod svakog normalnog muškarca i žene nastaje i prestaje nakon određene dobi. On nastaje sam od sebe, tj. nisu za njegov nastanak potrebni kakvi vanjski faktori; on je glavni u održanju ljudskog roda (kao što to, uostalom, vrijedi i za životinje). Čovjek, koji ima spolni odnos, stoji u čvrstom uvjerenju da time pribavlja sebi jedno uživanje, a ne pomišlja na činjenicu da je on pri tom igračka u rukama jedne više sile; on i ne zna da svo to uživanje služi ne njemu, nego održanju ljudske vrste. Vanjski faktori, koje smo spomenuli, u ovom pogledu igraju vrlo važnu ulogu. Oni mogu ubrzati nastanak seksualnog nagona kod čovjeka i, što je najgore, oni ga pojačavaju toliko da čovjek može izgubiti svaku vlast nad sobom. A kad do toga dođe, a to je redovito, onda taj nagon vrši svoje. Da bi se, dakle, onemogućilo svakom čovjeku da svom seksualnom nagonu udovoljava na nezakonit način, on se mora kloniti svega onoga što bi mu moglo taj nagon izazvati, pa makar to na prvi pogled izgledalo sasvim nedužno. Mora znati da je on napokon čovjek, pa se i pored toga saznanja upušta u iskušenja, kad sebi dozvoli to izazivanje, odnosno približavanje, onda je vrlo teško, da ne kažemo nevjerovatno, pojmiti da će se moći ustegnuti od vršenja bluda, ma kako on inače bio odan islamu. S obzirom na čisto psihološke okolnosti kod svakog čovjeka u ovom pogledu, Svevišnji u prvom gornjem ajetu nije ni rekao: "Ne činite bluda", nego "I ne približujte se bludu." Predradnje su, dakle, ono što se može i što ima smisla zabranjivati.

Među mnogim faktorima koji utječu na seksualne pohote, koje, opet, bezuvjetno dovode do samog akta bluda, stoji svakako bliži i češći dodir muškarca i žene koji su jedno drugom strani, zatim razgolićavanja ženskih itd. Neki pokvarenjaci, koji u sprečavanju ovog vide osujećenje svojih najgnusnijih planova, tvrde da to za moderna čovjeka ne znači ništa i da to nije nikakav faktor koji bi mogao izazvati

strast, pa je, prema tome, i nastojanje da do toga dođe, znak nazadnjaštva i mračnjaštva.

Odgovarajući na ovo nije nam potrebno ukazivati na vjerski indiferentizam i na nikakvu brigu za časti, dostojanstvom i poštenjem svih ljudi, a naročito žena, nego na sve to možemo reći samo ovo: svi ti čimbenici mogu prestati biti opasni po čovjeka samo onda kad ljudi budu živjeli bez seksualnog nagona!

OBRAZLOŽENJE ZABRANE

Obrazlažući Svoju zabranu približavanja bludu, Svevišnji dalje kaže u istom ajetu da je blud više nego obično gnusno djelo i da je put prema bludu hrđav put. Blud je zlo čije se posljedice ne mogu skoro ni sagledati. U ono vrijeme kad je ovo zlo zabranjeno, te posljedice nisu bile ni izdaleka tako brojne ni kobne kao danas, niti su, čak, o njima mnogi imali pojma. Ipak, zabrana ovog zla djelovala je tada toliko da su slučajevi bluda bili sasvim rijetki, jer se imalo potpuno povjerenje u istinitost kur'anskih riječi o svemu, pa i o bludu. Danas, pak, kada su posljedice toga mnogobrojne i kad se svijet smatra uljudnijim, ne poduzima se skoro ništa u svrhu uništavanja ovoga poroka. Ovo zlo hara danas po cijelom svijetu, ono unosi lom u mnoge porodice, stoji časti, zdravlja, pa čak i života mnogih žena; pomoću bluda šire se zarazne i neizlječive bolesti; povodom toga iskršava jedan krupan i teško zabrinjavajući društveni problem, a ipak sve se to u cijelom svijetu trpi! I što je najžalosnije, blud je dosta zastupljen među muslimanima, nijedna današnja islamska zajednica ne poduzima skoro ništa da bi se tome jednom stalo na kraj. Bar danas je svakom jasno šta znači blud s medicinskog, humanog, etičkog, društvenog i, kojeg god hoćete, gledišta i kakvo sve zlo on nanosi i pojedincu i zajednici, pa, ipak, trpi se za ljubav - "uljudbe"! A muslimani? Oni već odavno pokazuju sklonost za odstupanje od Allahovih propisa, bili oni u vidu naredbi ili zabrana. Ta sklonost prirodna je posljedica njihovog slijepog oponašanja onoga što samo pokvarenjaci mogu nazvati uljudbom i svega onog negativnog što takva "Uljudba" u sebi nosi. A posljedica, opet, svega toga najbolje se ogleda u njihovom jadnom stanju u moralnom, vjerskom i društvenom pogledu. Promatrajući sve ovo, razborit čovjek može samo požaliti što je u ovome pogledu "uljudan", makar ga nazivali i "nazadnjakom" i mračnjakom"!

KAZNA

Allah, dž.š., nije samo zabranio blud, nego je za takvo djelo propisao i kaznu. Prema težini ovog grijeha propisana je i teška kazna. Ta kazna nije jednaka za svaku osobu. Naime, kod izricanja kazne propisano je da se pazi na to da li je počinilac oženjen (udata) ili nije. Ako se radi o prvom slučaju, onda se dosuđuje kazna kamenovanjem, dok se u drugom slučaju krivac kažnjava javnim udaranjem sa stotinu batina. I jedna i druga kazna je i teška i ponižavajuća, a to je Zakonodavac odredio zato da bi one imale dubokog učinka i na ostale. Ova razlika

pri odmjeravanju kazne ima svoje opravdanje već i u tome što oženjena, odnosno udata osoba, zna cijeniti vrijednosti i svetinju braka bolje nego neoženjena, odnosno neudata osoba, pa je, dosljedno tome, svjesna težine grijeha i sramote koju nanosi obećašćenoj osobi i njenoj porodici.

Izricanje i izvršavanje ovih kazni uvjetovano je uglavnom četiri puta ponovljenim priznanjem samog krivca da je počinio taj grijeh. Istina, ovakva kazna može se dosuditi i na temelju zajedničkog iskaza četverice svjedoka (samo muškaraca!), koji moraju potvrditi da su grješnike vidjeli očito na samom djelu. A ovo je, opet, toliko teško da graniči s nemogućnošću. Ako promotrimo hadise koji govore o ovim kaznama, koje su izricane i izvršavane u vrijeme Allahovog Poslanika i prvih halifa, uvidjet ćemo da su one izricane gotovo samo na temelju četiri puta ponovljenog priznanja grješnika. Pa i onda, kada bi grješnik došao i priznao svoje djelo, pokušavalo bi mu se sugerirati da se on, možda, vara da je ženu samo dotaknuo, a to sve da bi opovrgao svoje priznanje i da ne bi došlo do izvršavanja smrtne kazne kamenovanjem. Tek onda ako bi dotična osoba u svome priznanju ostala uporna, dolazilo bi do takve smrtne kazne. A i ovakvih slučajeva bilo je vrlo malo. Jer da neko prizna takav svoj grijeh, znajući kakva ga teška i ponižavajuća kazna čeka, trebalo je da je duboko prožet vjerskim osjećajem i da želi da na ovom svijetu bude kažnjen za svoj prestup i da je potpuno siguran u oprost svoga grijeha na temelju provedene kazne. Pomenuli smo da se smrtna kazna može izreći i na temelju zajedničkog iskaza, četverice svjedoka - muškaraca. Ako bi se makar jedan ustegao od takva iskaza nakon što je izjavio to, kaznit će se svi sa 80 batina, a njihovo svjedočanstvo ubuduće neće se primiti. Ovako stroge mjere pribavljanja svjedočanstva za čin bluda imaju svoju veliku važnost već i stoga što se na ovaj način unaprijed isključuje mogućnost, ne samo potvore nego i sumnje da je neko tako nešto učinio. O tome govori Kur'an u suri En - Nur, gdje se kaže:

“One koji okrive poštene žene, a ne dokažu to s četiri svjedoka, s osamdeset udara biča izbičujte i nikada više svjedočenje njihovo ne primajte; to su nečasni ljudi” (En - Nur, 4)

“LIĀN”

Dogodi se da muž tereti ženu bludom. U tom slučaju muž ne mora svoju tvrdnju potkrijepiti svjedočanstvom četverice svjedoka, jer mu je to sasvim teško, da ne kažemo nemoguće. Osim toga, muž nema nikakva interesa da ženu protvara za preljub, kao što bi moglo imati neko strano lice, pa kad, dakle, time svoju ženu tereti, pretpostavlja se da je takva njegova tvrdnja osnovana na istini. Ipak, ni njegova se tvrdnja ne može primiti bez daljnje, nego će ga šerijatski sudac, pred kojim bude tu svoju tužbu iznio, uputiti da to osnaži sa svoja četiri uzastopna očitovanja. Naime, muž će tom prilikom reći da se kune Allahom, da govori istinu, a peti put će prizvati na sebe prokletstvo Allahovo ako je slagao. Ako žena nakon ovakvog očitovanja prizna da je učinila preljub, kaznit će se, a ako ne

prizna, onda je i ona dužna dati svoja četiri očitovanja, tj. zaklet će se četiri puta Allahom da je njen muž slagao, a peti put prizvati na sebe srdžbu Allahovu ako je istina ono što je njen muž rekao. U ovom potonjem slučaju žena neće biti kažnjena nego će se njihov brak zauvijek razvrgnuti. Ovakav proces zove se u islamskom pravu “lian” (međusobno proklinjanje muža i žene), a propisan je kur’anskim ajetima čiji je smisao već gore izložen.

ZAKLJUČAK

Iz svega ovoga možemo donijeti ovaj zaključak:

1. Seksualni je zločin vrlo težak grijeh sa brojnim i teškim posljedicama, ne samo za pojedinca nego i za čitavu zajednicu, pa i potomstvo. Da bi se izbjegao, mora se kloniti i onih, na prvi pogled sasvim bezazlenih, radnji koje vode do njega, pa je zajednica dužna raditi u ovom smislu;
2. Prema težini ovog grijeha propisna je i teška kazna kojom se hoće zastrašiti drugi ljudi, a koja je jednaka za muškarca i za ženu;
3. Da je zbilja od spomenute kazne namjera odvratiti od zla, jasno se vidi iz toga što je Šerijatsko pravo kod dokazivanja ovog zločina stavilo vrlo teške i skoro neostvarive uvjete. Ako se zločin dokaže četvericom svjedoka koji su jasno vidjeli sami čin bez i najmanje sumnje i ako se onda za to određuje teška kazna, to znači da se želi što više izbjeći provođenje ove kazne - a ako se već zločin na taj način ustanovi, onda je to javna sablazan bez i najmanje stida čije žile treba nemilosrdno posjeći. Ovo treba imati na umu razmišljajući o kazni koju šerijatsko pravo predviđa za ovu vrstu zločina.

O LIJEČENJU HIDŽAMOM (PUŠTANJE KRVI)

Izvor:

*Preuzeto iz knjige: Hidžama, Najbolji lijek, Način liječenja,
zanimljivosti i šerijatski propis hidžame*

Pisac: Bilal Dervišić prof.

Godina izdavanja: 2008/1429 h.g, Zenica

Izdavavač: Bilal Dervišić



Postupak liječenja hidžamom

Od Enesa da je Poslanik sallallahu alejhi ve selleme rekao:

Najbolje čime se liječiti je hidžama...⁵

(Buhari)

⁵ El – Buhari br. 5696

NAKLANJAVANJE PROŠLIH (PROPUŠTENIH) NAMAZA

Izvor:

Preuzeto iz knjige: *Namaz u islamu*
Pisac: Elvedin Borzan (Ebu-Isa) i Balkan Ummu Isa
Godina izdavanja: 2005 - 1426 h.g, Sarajevo
Izdavač: Mesdžid Tewhid, Austrija



*Namaz je bolji od spavanja.
Na vrijeme navij sat da se probudiš na sabah namaz.*

Onaj ko zaboravi namaz ili ga prespava, obavezan ga je klanjati kad se sjeti ili kad se probudi. U tefsiru kur'anskog ajeta se kaže: **"I namaz obavljaš, da bih ti uvijek na umu bio."** (Ta-ha, 14.) tj. klanjaj prilikom sjećanja na Mene. Potvrda ovome su riječi koje su zabilježene u dva najispravnija "Sahiha" od Enesa, radijallahu anhu, koji kaže da je Poslanik, sallallahu alejhi ve sellem, rekao: *"Ko prespava namaz ili ga zaboravi, otkup za njega je da ga klanja kada ga se sjeti. Nema drugog otkupa za namaz."*⁶

Takđer se prenosi od Ebu-Katade da je rekao: "Spomenuli su Vjerovjesniku, sallallahu alejhi ve sellem, slučaj kada su prespavali namaz, pa je rekao: *„Ne smatra se nemarkom ono što se u snu propusti. Nemark je u stanju budnosti. Ako neko od vas zaboravi klanjati namaz ili ga prespava, neka ga klanja kada se sjeti."*⁷

A od Enesa, Ibn Malika se prenosi da je Poslanik, sallallahu alejhi ve sellem, rekao: *"Ko zaboravi namaz, neka klanja kada se sjeti."*⁸

⁶ Buhari 597. i Muslim 684

⁷ Hadis je sahih Et-Tirmizi, 177 i Ibn Madže, 698.

⁸ Buhari 597. i Muslim 684

Međutim, ko svjesno izostavi namaz, po mišljenju većine učenjaka, dužan je naklanjati ga, iako grijeh ostaje, jer namaz nije obavljen u njegovom vremenu. Propušteni namaz treba odmah naklanjati. Prvo klanja propušteni namaz, pa tek onda redovni namaz u čijem vaktu se čovjek nalazi. Kada je riječ o naklanjavanju namaza onda treba skrenuti pažnju na jedno pogrešno i veoma rašireno shvatanje o ovom pitanju. Radi se o uvjerenju velikog broja muslimana, da je moguće naklanjati namaze koji su godinama bez razloga propušteni naklanjavaju pet dnevnih namaza u posebnim prigodama kao što je ramazan, 27. noći sl. Namaz se ne smije ostaviti ili odgoditi osim u šerijatski određenim prilikama kao što smo već spomenuli kada smo govorili o propisima hajza, nifasa, putovanja itd.

NAJBOLJI SAFF U NAMAZU ZA MUŠKARCE JE PRVI A ZA ŽENE ZADNJI

Izvor:

*Preuzeto iz knjige: VRHUNAC ČEŽNJE za šerijatskim dokazima
(BULUGUL -MERAM min edilleti el-akham)*

Pisac: El Hafiz Ibnu Hadžer el - Askalani

Godina izdavanja: 2011

Izdavač: Kelimeh, Novi Pazar (Drugo izdanje)



Red (saff) klanjača na sedždi u namazu

Prenosi se od Ebu Hurejra radijallahu anuhu, da je rekao Allahov Poslanik, salallahu alejhi ve selleme: **Najbolji saff za muškarce je prvi, a najgori zadnji, a najbolji saff za žene je zadnji a najgori prvi.**

(Muslim)⁹

Broj hadisa u Bulugul-meram 436.

⁹ (Sahih Muslim (440))

PROPISANO NAM JE PETESET NAMAZA PA SMANJENO NA PET

Izvor:

Preuzeto iz knjige:

Zbirka hadisa kudsija s komentarima En-Nevevija i El – Kastalanija

Pisac: -

Godina izdavanja: 2014/1435 h.g, Sarajevo

Izdavač: Karadoz group



Sedžda (padanje ničice) u namazu

Prenosi se od Ibn Šihaba, a rekli su Enes b. Malik i Ibn Hazm, obojici im se Allah smilovao, da je Allahov Poslanik, s.a.v.s, rekao: - Propisao je Allah, dž.š, mom umetu pedeset namaza, s tim propisom sam se vraćao, dok nisam susreo Musaa, a.s koji me je pitao: - Šta je Gospodar naredi tvom umetu?

– Naredio im je pedeset namaza. – odgovorio sam.

Vrati se do svoga Gospodara! Zaista, tvoj umet neće biti u stanju to podnijeti.

Ja sam se vratio do svoga Gospodara, te me je On oslobodio jednog njihovog dijela.¹⁰ Poslije sam se vratio do Musaa i obavjestio ga o

¹⁰ Za dio izjave: Pa me je On oslobodio jednog njihovog dijela već je naprijed navedeno da upotreba riječi _____ dolazi u značenju dio. On iznosi pet, kao što stoji u vjerodostojnoj predaji: Pa mi je On smanjio za pet u kojem je dodao da je smanjivanje iznosilo po pet. Rekao je Hafiz ibn Hadžer. "Taj dodatak je vjerodostojan pojašnjava ono što od svaka predaja sadrži, kao i ono što sadrži hadis u kojem se navodi riječi pola, u kojem se ne spominje broj vraćanja" (od En –

tome, a on reče: - Vрати se do svog Gospodara, jer tvoj umet to neće moći podnijeti. Opet sam se vratio do svog Gospodara, a On reče: Njih (namaz) je pet, a njih (nagrada) je pedeset, a nema promjene u onoga što bude kazano kod Mene.

Potom sam došao do Musaa, koji reče: - Vрати se do svog Gospodara! Odgovorio sam mu: Već sam se zastidio svog Gospodara.

Nevevija i El - Kastalanija) Uz to hadis nosi u sebi potvrdu velike milosti vjerovjesnika prema vjernicama, kao što je brinuo Musa a.s za Muhammedov s.a.v.s, ummet, tražeći od njega da se vrati Gospodaru i zatraži olakšenje. Musa je na manje stepenu od od Ibrahima a.s zbog toga što je razgovarao sa Allahom ,te je njegova dužnost obraćanje, a Ibrahim je prijatelj Allahov, to je njegov položaj pokornosti, zato što se on pokorio naredbi da zakolje svog sina i bacanju u vatru u obje situacije Allah je iskazao Svoju milost prema njemu. A Allah najbolje zna!
PRIJEVOD I NAPOMENE UZ TEKST: (Muhamed Halilkanović)

DEDŽAL ĆE UČI U SVAKI GRAD IZUZEV MEKKE I MEDINE

Izvor:

Preuzeto iz knjige: Izbor hadisa iz djela Rijadu-s-salihin

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

*Izdavač: Visoki saudijski komitet za pomoć BiH i kulturni centar „Kralj
Fahd“ u Sarajevu*



Na slici Mekka i Medina

Enes r.a prenosi da je Allahov Poslanik a.s rekao: **Dedžal će ući u svaki grad izuzev Meke i Medine. Na svakom prilazu njima čuvat će ih meleki u safovima. Kada dođe do neplodnog slanog predjela u blizini Medine, Medina će se tri puta toliko snažno zatresti, da će Allah iz nje protjirati svakog nevjernika i munafika.**

(Muslim)

Broj hadisa u Rijadu-s-salihinu 1811.

PONAVLJANJE USVOJENOG ZNANJA KOD PRVIH GENERACIJA

Izvor:

Preuzeto iz knjige: *Islamski informativni časopis El-Asr*, broj:48

Pisac: Pripremio: Ersan Grahovac prof.

Godina izdavanja: maj 2012.

Izdavač: Stichting Hidžra

Vergtweg 13,

5301 TA Zaltbommel

Nederland



Na slici ispisan kur'anski ajet

Mnogi od nas klonu duhom kada krenu putem traženja znanja i ne nađu za kratko vrijeme ono što su zamišljali, misleći da oni ipak nisu za taj put. Međutim, ako pogledamo u životopise učenjaka prvih generacija, vidjet ćemo da je većina njih uložila gigantske napore na putu traženja znanja, da bi postali ono što su postali, i da je vrlo malo onih kojima je Allah podario super pamćenje, kao naprimjer Buhariji. U ovom tekstu navest ćemo nekoliko primjera iz života selefa, koji nam mogu poslužiti za buđenje ambicija na putu traženja znanja i kako ne bismo klonuli duhom na tom putu.

- U biografiji Ahmeda ibn El-Furata (Ebu Mes'uda er-Razija) navodi se da je ponavljao svaki hadis petsto puta. (*Tehzibut-tehzib*, 1/58.) Jedan čovjek mu se požalio: "Zaboravljamo hadis", na što je on rekao:

”A ko od vas ponavlja jedan hadis petsto puta?” Rekoše: ”A ko to može?” On im reče: ”Zato vi ne pamтите.” (El-Mizzi, *Tehzibul-kemal*, 1/424.)

- U biografiji Ebu Bekra el-Ebherija el-Malikija navodi se da je rekao: ”Pročitao sam djelo *Muhtesaru ibn Abdil-hakem* petsto puta, djelo *El-Esedijja* sedamdeset pet puta, *El-Muvetta*’ isto toliko, *El-Mebhut* (trideset tomova) trideset puta, i *Muhtesar ibnul-Berkija* sedamdeset puta.” (Kadi Ijad, *Tertibul-medarik ve takribul-mesalik*, 1/427.)

- Hatib el-Bagdadi u djelu *El-Džami’ li ahlakir-ravi ves-sami*’ prenosi od Alkame da je rekao: ”Puno ponavljajte hadis, pa neće iščeznuti (iz vašeg pamćenja).“ (*El-Džami’ li ahlakir-ravi ves-sami*’, 1/238.)

- Od Ibn Abbasa ed-Durija prenosi se da je rekao: ”Čuo sam Jahju ibn Meina da kaže: ”Da nismo pisali hadis po pedeset puta, ne bismo ga znali.”“ (*Tarihu Dimešk*, 14/65, i *Sijeru ealamin-nubela*’, 11/84, 4/342.)

- U biografiji imama Ebu Ishaka eš-Širazija navodi se da je rekao: ”Ponavljao sam svaki ders po hiljadu puta, a ukoliko bi za dotičnu mes’elu postojao stih kojim se dokazuje, zapamtio bih cijelu kasidu.” (*Sijeru ealamin-nubela*’, 18/458, *Tabekatuš-šafi’ijje el-kubra*, 4/115.)

- U biografiji Ebu Bekra Galiba ibn Abdurrahmana ibn Atijje el-Garnatijje (Es-Siletu, 1/146), oca Ibn Atijje, mufessira, navodi se da je ponovio *Sahihul-Buhari* sedam stotina puta.

- Ez-Zehebi u biografiji Ibn El-Adžemija spominje da je dvadeset pet puta održao dersove *El-Muhezzeba*. (*Sijeru ealamin-nubela*’, 23/115.)

- Es-Sehavi u biografiji Abdullatifa el-Kirmanija el-Hanefija spominje da je djelo *El-Muhit el-Burhani* (štampano u devet tomova) iz hanefijskog fikha pročitao stotinu puta. (*Ed-Dijaul-lami*’, 2/418.)

- Jednog dana je Bekr ibn Muhammed ibn Ebil-Fadl el-Ensari bio upitan o jednoj teškoj mes’eli, pa je rekao: ”Ponovio sam ovu mes’elu na tornju jedne tvrđave u Buhari četiri stotine puta.” (*El-Muntezam fi tarihil-muluk*, 9/201, *Sijeru ealamin-nubela*’, 19/416.)

- Od Ibn Hišama se prenosi da je pročitao *Elfijju* hiljadu puta. (*Tarihul-džeberuti*, 2/150.)

- El-Muzeni je rekao: ”Pročitao sam *Er-Risalu* (od Šafije) pet stotina puta i svaki put sam se okoristio“, i također je rekao: ”Čitam *Er-Risalu* pedeset godina i svaki put kada sam je pročitao, izvukao sam nešto što ranije nisam znao.” (*Tehzibul-esma’i vel-lugat*, 1/59.)

- Ibnul-Esir u djelu *El-Meselus-sair* (1/46) kaže: ”Skupio sam u jednu knjigu tri hiljade Poslanikovih hadisa koji se koriste u praksi i ponavljao sam je deset godina, završavajući je jedanput u nedjelju dana. Tako sam radio dok je nisam ponovio petsto puta i zapamtio je tako da mi ništa iz nje ne promiče.”

- Prenosi Ibnul-Dževzi da je jedan fakih (šerijatski pravnik) ponavljao ders puno puta, pa mu starica koja je živjela kod njega reče: ”Vallahi, i ja sam ga zapamtila.“ On joj reče: ”Ponovi ga“, te ga ona ponovi. Poslije nekoliko dana reče joj: ”O starice, ponovi ders“, a ona reče: ”Ne sjećam se.“ Tada on reče: ”Ja ga ponavljam da mi se ne bi desilo isto što i tebi.“ (*El-Hassu ala hifzil-ilm*, 44.)

SLAVLJENJE ROĐENDANA

Izvor:

Preuzeto iz knjige: pravne decizije, Fetve, pitanja i odgovori

Pisac: Mr. Safet Kuduzović

Godina izdavanja: 2009 – 1430 Sarajevo

Izdavač: Autor u saradnji sa džematom hidžra u Holandiji



Ne slavite rođendan

Pitanje: Da li je dopušteno slaviti rođendan? Allah vas nagradio!

Odgovor: Prve, odabrane generacije nisu slavile rođendan. To je okoštali običaj koji su muslimani nedavno preuzeli od nevjernika. Allahov Poslanik, sallallahu alejhi ve sellem, rekao je: "*Ko oponaša jedan narod, on mu i pripada.*"¹¹ Zabranjeno je slaviti kako svoj, tako i rođendan drugih ljudi, čak i rođendan Poslanika, sallallahu alejhi ve sellem, a Allah najboije zna.

¹¹ Ebu Davud i Ahmed, s dobrim lancem prenosilaca, tvrdi šejhul-islam Ibn Tejmije. Vidjeti: El-Iktida, I/43 i 1/269.

NAMAZ ŽENE U DŽAMIJI

Izvor:

Preuzeto iz knjige: pravne decizije, Fetve, pitanja i odgovori

Pisac: Mr. Safet Kuduzović

Godina izdavanja: 2009 – 1430 Sarajevo

Izdavač: Autor u saradnji sa džematom hidžra u Holandiji



Goraždanska ljepotica – Kayseri džamija – Goražde

Pitanje: Mogu li žene klanjati sve namaze u džamiji?

Odgovor: Žene mogu klanjati u džematu sve namaze, čak i džumu, ali pod dva uvjeta: prvo, dopuštenje staratelja za izlazak; i, drugo,

sigurnost puta do džamije (tj. ne smije biti izložena napadima ili neprijatnostima).

Kada se ispune ovih uvjeti, ženi je dopušteno da pođe u džamiju, ali ipak joj je bolje klanjati u svojoj kući. Resulullah, sallallahu alejhi ve sellem, rekao je: *"Ne zabranjujte ženama odlazak u džamije, ali je bolje da borave u svojim kućama."*¹² U jednom drugom predanju stoji da je Poslanik, sallallahu alejhi ve sellem, ženi po imenu Ummu Humejd rekao da joj je vrednije obaviti namaz u kući nego u Poslanikovo; *sallallahu alejhi ve sellem, džamiji.*¹³ A Allah najbolje zna.

¹² Ebu Davud; 567. Imam Nevevi u djelu *Hulasatui-ahkam*, 2/678, tvrdi da predanje odgovara Buharijinim kriterijima. Vidjeti: *Sahih-us-sunen*, 1/169, i *El-Miškah*, 1/334.

¹³ Ahmed, 6/371, Ibn Huzejme, 3/95, Ibn Abdulberr u djelu *Et-Temhid*, 23/398. Dobrim ga je okarakterizirao hafiz Askalani u djelu *Fethul-Bari*, 2/279.

IZMEĐU ATEIZMA I ISTINE


Izvor:

Preuzeto iz knjige: Prihvatile su islam kao Belkisa

Pisac: Enisa Aganović

Godina izdavanja: Novi Pazar, 2010

Izdavač: El – Kelimeh, Novi Pazar



Omot knjige - samo što je original u boji

Osoba sa čijom pričom ću početi ovu rubriku, sa pseudonimom Ummu Kulsum, živela je u Beogradu jedan period svog života. Dok sam se ja još uvek igrala sa lutkama, čudila se što me čudno gledaju kad izgovorim svoje ime, izbeglice koje su dolazile u našu kuću shvatala kao goste koji su nam došli u posetu, nju je počelo pratiti životno pitanje - Ko sam ja i kuda idem? Ona je nekada, pre nas, koračala ulicama Beograda veličajući Allaha. Na neki način mi se čini da je popločala put našim koracima. “

Druže Tito, mi ti se kunemo!..

.” Moja zakletva još kad sam bila jako mala da bi išta rasuđivala. Takva ideologija koja mi se tada, a i nekoliko godina nakon toga, činila idealnom bila je divna. Ljudi su radili, napredovali, bili smo ponosni na naše porodice, državu i narod. Učenici su bili marljivi i poletni, a

mladost ispunjena žarom slobode. Ipak, tad nisam ni slutila koliko mi je zla, kao i mojim roditeljima, nanela upravo ta ideologija. Bilo je tu dobrih stvari koje i dan danas pamtim sa osmehom. Nije me bilo stid što volim da učim i napredujem. Tada mi se niko nije smejao. A danas to rade svakom detetu koje je imalo naprednije. Nažalost.

Obožavala se materija, ljudi. Teško je bilo isplivati iz svega toga. Jako teško.

Živela sam tada u Bosni gde je takođe vladala takva ideologija. Islam je bio po strani.

Nastavila sam da rastem sa takvim navikama i ubeđujući sebe u istinitost toga: "Pa koliko je zla i nesreća u svetu. Nema pravde. Kako to da postoji pravda?" Tako sam opovrgavala teoriju o tome da postoji Pravdeni Bog. A sa druge strane potvrđivala onu na koju sam bila navođena.

Kada sam počela da zrelim, u tinejdžerskim godinama, počinje da se menja moj stav o tome šta sam i odakle dolazim. Ko upravlja nama i gde je pravda? Zar toliko siromašnih i gladnih u svetu. A sa druge strane toliko bogataša. Kako će siromašni biti iskupljeni time? Mora da postoji za njih neka pravda na drugome svetu. Ko nas je stvorio i zašto? Mnogo pitanja, a već nametnuti odgovori od strane navedene ideologije. Samo, da li su ti odgovori ispravni. Nikako da se slože sa razumom i mojim osećajima.

Počela sam da se interesujem za islamsku literaturu pošto mi je ona bila najbliža. Moje društvo u Sarajevu, mom rodnom gradu, bilo je drugačije od ostalih. Nekako smo uvek bili zreliji i razmišljali o svemu na specifičan način. Bilo je u našem društvu onih koji su puno tragali. I ja sam tragala. Ali sam to dugo krila. Niko od mojih nije znao.

Pričala sam sa svima o religiji. Kome god sam mogla postavljala sam razna pitanja. Išla sam čak i u crkvu. Postavljala sam hrišćanima, svaki put iznova, nova pitanja. Jednostavno za mene ta priča nije „pila vodu“. Hrišćanstvo i trojstvo su mi se činili veoma nelogični, a mome srcu strani.

Bilo je onih u našem društvu koji su bili religiozni i koji su pristupali učenju hrišćanstva, ali isto tako i Islama. Šta je to njih učinilo religioznima?

Želela sam da istražujem. Pošto nisam sebe pronalazila u hrišćanstvu počela sam čitati o hinduizmu i Dalaj Lami. Shvatila sam da su i ta učenja strana mom cilju. Počeo je i moj kontakt sa Islamom. Još uvek sam se u to vreme pomalo dvoumila oko hrišćanstva. Jedno večer, presudno za dalje korake, desilo se da sam propustila zakazani odlazak u crkvu. Osetila sam da je to znak od Boga.

Čitala sam knjige Mustafe Mahmuda, ali jedna od najomiljenijih knjiga bila mi je „Čujem šum, prijatelja ne vidim“ od čuvenog tabina Hasana el Basrija. Ove knjige sam čuvala kao svoju najdražu tajnu i bogatstvo.

Prvi namaz. Džamija Magribija na Marin dvoru. Sarajevo. Bio je to najdraži namaz. Nisam znala izgovarati puno toga, ali divna osećanja su izlazila iz mene. Shvatala sam stvarnu suštinu ovog divnog ibadeta. Mislim da je to bila najskrušenija molitva u mom životu. Pala sam na sedždu i tad stvarno shvatila da sam ja muslimanka. Da sam pokorna Allahu.

Mesec Ramazan postila sam krišom. Moji roditelji nisu primećivali da mi se nešto čudno dešava. Bilo je puno iskušenja koja su nailazila kako sam počela čvrsto da praktikujem Islam. Nekako sam bila usamljena, često čudna drugima. Nadala sam se da će se to uskoro promeniti i da me tamo negde čeka bar jedna srodna duša. Još jedan stranac.

I onda, nastupio je strašni rat u Bosni. Morali smo da izbegnemo. Gde? U Srbiju. Moramo ići. Put je rizičan, ali nema nazad. Nosim sa sobom puno tuge i straha. Bez islamskih knjiga nisam mogla. Ponela sam ih. I to, tada, preko srpske granice. Majka ih je pronašla u Beogradu. Nije mogla da veruje. Bila je ljuta što sam to uradila. Ali nisam mogla da ih ne ponesem. One su bile deo mene.

Moj život u Beogradu, tih 90-ih, bio je čudan i u isto vreme zanimljiv. Nisam se dobro snalazila u novoj okolini, jer sam zbog svojih uverenja bila ponovo stranac. Dugo sam se krila da klanjam i praktikujem Islam. Krila sam se kako od svojih, tako i od svih ostalih.

Treba pronaći Bajrakli džamiju. Ratne godine, mržnja, a ja u sred Beograda tražim džamiju. Koliko snage i volje je trebalo za tako nešto? Pa morala sam je pronaći. Znala sam da ću tu, u Allahovoj kući, pronaći mir i biti zaštićena.

Počela sam da studiram i pronašla svoje društvo. To su bile dve osobe koje su takođe bile primile Islam. Naše druženje bilo je puno divnih trenutaka. Tako je lepo kad se družite sa nekim ko ima pogleda kao i vi. A sve to, u sred Beograda. Teško je bilo pronaći nekoga takvog. Elhamdulillah. Često smo se nalazili satima pričajući. Sećam se da smo osećali da je ceo Beograd naš. Na Slaviji, bilo je naše mesto okupljanja. Odatle bismo krenuli u šetnju. Maštali smo da praktikujemo Islam u potpunosti. Bili smo tako slobodni što smo muslimani, a sa druge strane zatvoreni što ne možemo u potpunosti da praktikujemo svoju divnu veru.

Jedna od stvari u Beogradu za koju mnogi znaju jeste upravo ta da vam ovaj beli grad daje nekakvu dozu slobode. Ta sloboda se odnosi na

mogućnost širine u obrazovanju i proučavanju. U Narodnoj biblioteci, u Beogradu, čitala sam prevod Kur'ana kao i sahihul Buhari. Pošto knjige nisu smele da se iznose, već samo tamo čitaju, vodila sam beleške. Trudila sam se da ove beleške hadisa naučim i primenim. Često sam se osećala kao zarobljenik u Beogradu, ali sada kad se setim tih trenutaka od sreće bih zaplakala. Kako je Allah Mudar i Milostiv! Daje nam da mu padnemo na sedždu, skrušeno, na raznim delovima Planete, u raznim okolinostima. Eh, kad bi mi opet dao da jedan trenutak budem u Beogradu, da se opet borim za svoju veru, onako snažno i iskreno. Tek sad shvatam da su mi to bili jedni od najlepših trenutaka. Mašallah.

Umu Kuslum

POSTOJE LI DŽINNI NEVJERNICI I DŽINNI VJERNICI I KO SU ONI

Izvor:

Preuzeto iz knjige: pravne decizije, Fetve, pitanja i odgovori

Pisac: Mr. Safet Kuduzović

Godina izdavanja: 2009 – 1430 Sarajevo

Izdavač: Autor u saradnji sa džematom hidžra u Holandiji



Džini i Ljudi su stvoreni sa ciljem da obožavaju Allaha i da mu se klanjaju

Pitanje: Postoje li džinni nevjernici i džinni vjernici, i ko su oni. Da li je tačno da su džinni vjernici - meleki?

Odgovor: O ovom pitanju teško je govoriti na ovaj način. Ukratko možemo kazati sljedeće: postoje džinni vjernici i džinni nevjernici, isto kao što postoje ljudi vjernici i nevjernici. Da su neki džinni povjerovali u Kur'an, dokaz je sura Džinn. Džinni vjernici nisu meleki. Meleki su potpuno druga bića. Oni su stvoreni od svjetlosti, a džinni od vatre. Džinni nevjernici ustvari su šejtani, što jasno stoji u 102. ajetu sure Bekara.

KO IZUČAVA NAUKU A NE TRAŽI ALLAHOVO ZADOVOLJSTVO (RADI DUNJALUKA) NEĆE OSJETITI MIRIS DŽENNETA

Izvor:

Preuzeto iz knjige: Izbor hadisa iz djela Rijadu-s-salihin

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

*Izdavač: Visoki saudijski komitet za pomoć BiH i kulturni centar „Kralj
Fahd“ u Sarajevu*



Izučavaj nauku samo u ime Allaha

Prenosi se da je Allahov Poslanik s.a.v.s rekao: **Ko izučava nauku kojom se traži zadovoljstvo Uzvišenog Allaha samo da bi njome dobio ovosvjetska dobra, neće osjetiti ni miris Dženneta na Sudnjem danu.**

(Ebu – Davud- sahih)
Broj hadisa u Rijadu-s-salihin 1391.

SPAVANJE DJETETA IZMEĐU OCA I MAJKE

Izvor:

Preuzeto iz knjige: pravne decizije, Fetve, pitanja i odgovori

Pisac: Mr. Safet Kuduzović

Godina izdavanja: 2009 – 1430 Sarajevo

Izdavač: Autor u saradnji sa džematom hidžra u Holandiji



Spavanje djeteta između oca i majke

Pitanje: Da li je zabranjeno dopustiti djetetu da spava između oca i majke? I da li je zabranjeno da bližnji rođak kupa dijete? Allah vas nagradio!

Odgovor: Nije mi poznat dokaz koji zabranjuje da dojenče ili malo dijete, koje ne razaznaje, spava kod ili između svojih roditelja. Nije mi poznato da su islamski učenjaci zabranjivali da bližnji rođak okupa dijete, a svakako je preče da ga kupa njegova majka, a Allah najbolje zna.

KAKO TREBA IZGLEDATI BEBINO PRVO KUPANJE?

Izvor:

Preuzeto iz knjige: edukativni magazin za mlade roditelje, BEBE i Mame

Pisac: -

Godina izdavanja: jul /srpanj 2014., godina XI, broj 122.

Izdavač: -



Kupanje bebe

Bebe u većini slučajeva vole kupanje. Na vodu su još navikli u maternici. Kupanje u pravom smislu se ne preporučuje do otpadanja krsastice sa pupka. Do tad dijete treba čistiti i osvježavati pa ga prebrišite blaznicom ili gazom namočenom u toplu vodu. Kada otpadne krastica, beba je spremna za kupanje. Vrlo je važno da temperatuara vode i prostorije budu odgovarajuće. U prostoriji treba biti oko 24 stepena, a temperatura vode treba biti 37 – 38 stepeni. Kako se voda brzo hladi, beba u njoj treba ostati samo nekoliko minuta. Dijete lagano polijevati vodom i vrlo blago trnjati mekom krpicom za kupanje. Šamponi i kupke na samom početku nisu potrebni. Najbolje je dijete oprati isključivo u toploj vodi, ali ako mu je koža isušena, možete u vodu dodati kašiku mlijeka ili maslinovog ulja. Ako beba ima dužu kosu, možete je oprati šamponom za bebe bez mirisa i konzervansa. Još

jedna važna napomena: Ne stavljajte dijete u kadu kada voda još curi.
Temperatura vode u cijevi može se promijeniti i šokirati bebu.
Temperatura vode treba biti otprilike kao i tjelesna temperatura.

CITAT: PRVOG PRIJESEDNIKA BiH


Izvor:

Preuzeto iz knjige: Islamska deklaracija

Pisac: Alija Izetbegović

Godina izdavanja: 1970, Sarajevo

Izdavač: -



Na slici Alija Izetbegović

Narod, kao i pojedinac, koji je prihvatio Islam nesposoban je da nakon toga živi i umire za bilo koji drugi ideal. Nezamislivo je da se Musliman žrtvuje za bilo kakvog cara ili vladara, ma kako se on zvao, ili u slavu neke nacije, partije ili čega sličnog, jer po najjačem islamskom instinktu on u ovome prepoznaje jednu vrstu bezboštva i idolatrije. Musliman može ginuti samo s imenom Allaha i u slavu Islama ili bježati sa bojnog polja.

(Islamska deklaracija, Alija Izetbegović)

KAKO SE ODNOSITI PREMA LJUDIMA KOJI PSUJU SVEVIŠNJEG ALLAHA

Izvor:

Preuzeto iz knjige: pravne decizije, Fetve, pitanja i odgovori

Pisac: Mr. Safet Kuduzović

Godina izdavanja: 2009 – 1430 Sarajevo

Izdavač: Autor u saradnji sa džematom hidžra u Holandiji



Na slici Kur'anski ajet sura 5 ajet 57

Pitanje: Kako se odnositi prema ljudima koji psuju Svevišnjeg Allaha?

Odgovor: Psovanje Uzvišenog Allaha je nevjerstvo, zapravo to je najgori oblik nevjerstva i ispoljavanja mržnje prema Uzvišenom Stvoritelju. Onaj ko opsuje Allaha, dželle šanuhu, ili Ga na bilo koji način uvrijedi - pod uvjetom da nije prisiljen, da nije učinio lapsus, odnosno da razumije značenje tih riječi, izašao je iz islama i postao odmetnik, makar te riječi rekao u šali.

Imam Ibn Abdulberr tvrdi: "Učenjaci su jednoglasni u mišljenju da je psovanje Allaha ili Poslanika, *sallallahu alejhi ve sellem*, nevjerstvo."¹⁴

¹⁴ Vidjeti: Et-Temhid, 4/226.

Ibn Hazm je govorio: "Pod nebeskim svodom ne postoji musliman koji psovanje Allaha, dželle šanuhu, ne smatra nevjerstvom."¹⁵

Imam Merdavi rekao je: "Ko opsuje Allaha ili Poslanika, takav je čovjek nevjernik, po jednoglasnom mišljenju svih islamskih učenjaka."¹⁶

Ibn Tejmijje tvrdi: "Onoga ko opsuje Allaha treba pogubiti, po konsenzusu učenjaka, jer je, izgovarajući tu psovku, počinio otpadništvo i nevjerstvo gore od onoga koje ispoljavaju klasični nevjernici koji ipak priznaju postojanje Gospodara."¹⁷

Ibn Redžeb zapisao je: "Onoga ko uvrijedi Allaha ili Resulullaha, sallallahu alejhi ve sellem, dopušteno je ubiti, makar izgovarao šehadet."¹⁸

Malikijski autoritet govorio je: "Onaj ko opsuje Allaha ili Poslanika ili ma kojeg meleka, ima se ubiti, po konsenzusu svih učenjaka."¹⁹ Budući da sada nema prave islamske vlasti koja bi sprovela kaznu, takvi se ljudi savjetuju i prvenstveno im se lijepim riječima treba ukazati na pogubnost takvih riječi; prema njima se mora grubo odnositi ako to neće izazvati kontraefekat, a Allah najbolje zna.

¹⁵ Vidjeti: El-Muhalla, 11/411

¹⁶ Vidjeti: El-nsaf, 10/326.

¹⁷ Vidjeti: Es-Sarimul-meslul, str. 521.

¹⁸ Vidjeti: Džamiul-ulumi vel-hikem, str. 130.

¹⁹ Vidjeti: El-Kavaninul-fikhijja, str. 240.

ISKRENOST – DUŠA IBADETA

Izvor:

Preuzeto iz knjige: Preporod duša

Pisac: Sanin Musa

Godina izdavanja: 2007

Izdavač: El – Kelimeh



Iskrenost – al – ihlas

Koliko je velikih djela propalo zbog neiskrenosti njihovih počinilaca. Takva djela će kod Allaha biti pretvorena u prašinu jer je nijjet (namjera) njihovih počinilaca bio pogrešan. Radili su djela kojima se Allahu približava, a njime su željeli ovaj svijet. Klanjali su, postili, zekat i sadaku udijeljivali, džihad vodili, Allahu pozivali... da bi bili viđeni, pohvaljeni, da bi se za njih čulo, da bi našli mjesta u ljudskim srcima, da bi se prstom na njih pokazivalo. Radili su djela stanovnika Dženneta a kupovali Džehennem.

Isto tako, koliko je malih i lahkih poslova koji će kod Allaha biti veliki poput brda zbog iskrenih nijjeta njihovih počinilaca. Radili su ih da bi se približili Allahu, iskreno, vodeći računa o svom nijjetu. Oni će istinski profitirati.

ČOVJEK KOJI OSTAVI IZA SEBE TRAJNO ZNANJE IMA KORISTI I NAKON SMRTI

Izvor:

Preuzeto iz knjige: Izbor hadisa iz djela Rijadu-s-salihin

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

*Izdavač: Visoki saudijski komitet za pomoć BiH i kulturni centar „Kralj
Fahd“ u Sarajevu*



Ostavite iza sebe trajnu sadaku koja koristi muslimanima i nakon vaše smrti – znanje, dovedite izvor vode isl.

Prenosi se da je Allahov Poslanik s.a.v.s rekao: **Kada čovjek umre njegova djelatnost se prekida, osim u tri slučaja:**
(ako je ostavio) trajnu sadaku,
ili nauku (znanje – izum) koja je od korist,
dobro dijete , koje za njega dovu čini.

(Muslim)

Broj hadisa u Rijadu-s-salihin 1383

LITERATURA:

(knjige)

Literatura koja je korištena:

1. Preuzeto iz knjige: Izbor hadisa iz djela Rijadu-s-salihin
Pisac: Jahja ibn Šeref en Nevevi
Godina izdavanja: 2001-1422 h.g, Sarajevo
Izdavač: Visoki saudijski komitet za pomoć BiH i kulturni centar „Kralj Fahd“ u Sarajevu
2. Preuzeto iz knjige: Odijevanje muslimanki , moda za sva vremena
Pisac: hfz. mr. Senaid Zajmović
Godina izdavanja: 2007-1428 h.g Visoko
Izdavač: Senaid Zajmović
3. Preuzeto iz knjige: Osnove učenja Šija imamija isna`ašerija
Pisac: Es-Sejjid Muhibbuddin El – Hatab
Godina izdavanja: -
Izdavač: -
4. Preuzeto iz knjige: Spolne bolesti, blud
Pisac: Grupa autora , Muhammed Ali el – Barr (Spolne bolesti), hfz.Ibrahim Trebinjac (Blud, zina, prostitucija)
Godina izdavanja: 2001 - 1422 h.g, Sarajevo
Izdavač: Visoki saudijski komitet za pomoć BiH i kulturni centar `Kralj Fahd` u Sarajevu
5. Preuzeto iz knjige: Hidžama, Najbolji lijek, Način liječenja, zanimljivosti i šerijatski propis hidžame
Pisac: Bilal Dervišić prof.
Godina izdavanja: 2008/1429 h.g, Zenica
Izdavavač: Bilal Dervišić
6. Preuzeto iz knjige: Namaz u islamu
Pisac: Elvedin Borzan (Ebu-Isa) i Balkan Ummu Isa
Godina izdavanja: 2005 - 1426 h.g, Sarajevo
Izdavač: Mesdžid Tewhid, Austrija
7. Preuzeto iz knjige: VRHUNAC ČEŽNJE za šerijatskim dokazima
(BULUGUL -MERAM min edilleti el-akham)
Pisac: El Hafiz Ibnu Hadžer el - Askalani
Godina izdavanja: 2011
Izdavač: Kelimeh, Novi Pazar (Drugo izdanje)

8. Preuzeto iz knjige:
Zbirka hadisa kudsija s komentarima En-Nevevija i El –
Kastalanija
Pisac -
Godina izdavanja: 2014/1435 h.g, Sarajevo
Izdavač: Karadžoz group
9. Preuzeto iz knjige: Islamski informativni časopis El-Asr, broj:-
Pisac: -
Godina izdavanja: -
Izdavač: Stichting Hidžra
Vergtweg 13,
5301 TA Zaltbommel
Nederland
10. Preuzeto iz knjige: pravne decizije, Fetve, pitanja i odgovori
Pisac: Mr. Safet Kuduzović
Godina izdavanja: 2009 – 1430 Sarajevo
Izdavač: Autor u saradnji sa džematom hidžra u Holandiji
11. Preuzeto iz knjige: Prihvatile su islam kao Belkisa
Pisac: Enisa Aganović
Godina izdavanja: Novi Pazar, 2010
Izdavač: El – Kelimeh, Novi Pazar
12. Preuzeto iz knjige: edukativni magazin za mlade roditelje,
BEBE i Mame
Pisac: -
Godina izdavanja: jul /srpanj 2014., godina XI, broj 122.
Izdavač: -
13. Preuzeto iz knjige: Islamska deklaracija
Pisac: Alija Izetbehović
Godina izdavanja: 1970
Izdavač: -
14. Preuzeto iz knjige: Preporod duša
Pisac: Sanin Musa
Godina izdavanja: 2007
Izdavač: El – Kelimeh